

淮陽縣志

卷九七八

340.181

41

3

387

41

3



灌陽縣志卷七

名宦志

漢史傳諸吏往往循酷兼紀郡邑傳諸吏則舍酷而登循誠以設官治民責任匪輕必實有不忝厥職者而乃謂之循良也灌陽千有餘年名宦僅列數人雖政蹟未傳而馨香弗替於以見惠澤之入人者深與繼起之愷悌父母令人歌尸祝於不已彼酷而不循者何如耶述名宦

名宦

唐 永州司馬

柳宗元字子厚河東人元和中謫永州司馬好山水

灌陽縣志卷七

名宦

著奇文以傳世灌隸永嘗籌戎深幽至花石巖仙源洞諸勝今花石巖刻石猶存而柳子巖在仙源洞顧蕪沒已久觀其所作愚溪詩序明係以灌水之陽惜八愚詩又漫滅不能與花石巖詩同傳全集亦未經搜采則遺珠尚多矣然觀其在永州作捕蛇者說蓋惻然有仁者之心云自明顧東橋氏守全平灌邑賦作亭以思公千載一轍誌循吏者烏得不以二公先之哉

明 全州守

顧 璘號東橋應天上元人工詩金陵四俊之一也
成化進士知開封府正德九年左遷全州灌隸全



嘗按部至邑城停驂十日時值中秋入學宮試諸
生次訪柳子巖及蔣道人故棲石又建思柳亭於
通真巖側各記以詩深憫灌陽貧苦爲平賦賦平
賦詩迄今數百年流風所被猶可想見之云

宋 縣令 丞 僉事 教諭

林 文淳熙初任本縣令事失考

黃子成淳祐間任本縣令事失考

明

李原受洪武中爲灌陽縣縣丞二十六年蠻獠寇縣

原受奏調官軍剿平之二十八年始築城後雖增

修然皆仍其舊云

省志

灌陽縣志

卷七

名宦

二

韓 觀字彥賓虹人授桂林右衛指揮僉事洪武二

十七年會湖廣兵討全州灌陽諸蠻獠斬千四百

餘人

馬 驥字子良廣東河源舉人正統二年任知縣有

功德於灌邑士民思之祀名宦祠

潘文浩黃梅人景泰間任灌陽知縣薄歛省役有虎

噬人爲文禱於城隍越三日虎自伏廟門死嶺獠

奸黠爲民患橫不可制乃以恩誘其黨而術縛之

遂降疆圉寧靜

湖廣通志

周 曾安鄉人宏治間灌陽知縣招撫流亡復業至

數百家丈田畝清軍伍無能受其欺者

粵西文載

周應祿湖廣石首舉人嘉靖二年任知縣灌邑前此無志六年創修邑志祀名宦祠

黎 獻廣東順德舉人嘉靖二年任教諭六年創修

邑志多所考訂祀名宦祠

汪 文南直東流監生嘉靖十七年任知縣十八年

督學李義壯按臨灌邑命文暨教諭關應賓訓導

林友鸞創建名宦鄉賢祠議祀宋令林文黃子成

數人有碑文附後○今天下郡縣學皆有宦祠賢二祠灌陽之祠廢也久矣

嘉靖己亥余行部至馬稽之掌故問之博士皆曰未前聞也嗟乎十室之邑必有忠信灌陽豈但十

室已耶乃檄縣尹汪文爰用鼎作以拓墜典乃經始是年冬十月朔踰年而落之乃度乃虔有嚴有

翼縣尹又介學博關應賓議秩宜登祀者自宋林文黃子成而下若干人余閱焉孰賢於一鄉孰賢

灌陽縣志

卷七

名宦

三

於一國孰賢於天下又孰賢於百世彬彬然也夫自一鄉以及百世宜亦遠矣然均謂之賢而所以賢乎其間者若爾頓殊而君子皆兼取焉何耶蓋處己欲重而待人欲輕惟其輕也故始諸一鄉不終一鄉而人以爲難而易沮沮則弗前惟其重也故弗前弗力世不百世則人以爲易而自怠怠則弗力斯友一鄉之善士益不古若矣孟子曰一鄉之善士天下之善士斯友天下之善士又尚論古之人是尚友也斯不可定祀典耶嗚呼祠以廢起祠用秩修規構孔良道揆式協自今以始大夫君子以逮學士其尚思所以圖之哉進焉而不俎豆之思失之入也退焉而不絃歌之思失之已也吾觀古之宦於邑者求有裨於鄉之君子修於鄉者期有問於邑之大夫嗚呼必於此而後可以相觀而善而後可以相考而成而後今日設祠之意尚亦有辭於世世俾勿壞提督廣西學政按察司僉事三洲李義壯撰文嘉靖二十年辛丑夏知縣汪文立石

清

江 楨直隸寧晉人由明經順治十二年任本縣知

縣時當李定國亂後隣兵藉奉調爲名掠民子女
公力請代爲捐贖有誤陷平民爲盜公堅持審辦
悉釋遣保全甚眾遇事卽決獄無滯繫每輸糧令
納戶照平自兌不假吏手低昂收米斛平卽止及
接見紳士輒詢民間疾苦有所因革卽爲舉行性
甘淡泊日食蔬麵皆如市價士民德之以介性見
忤解任去邑人泣送者數百人立石以記郝志
陳登瀛江南望江人由明經順治十六年授本縣知
縣性端肅寡言笑紳士非公不接見執法嚴峻剔
奸除棍民賴以安持政公平訟獄不作居任六年
升德州牧士民思之建祠以祀

灌陽縣志

卷七

名宦

四

牛兆捷字澱洋山西高平縣人由乙丑進士康熙三
十一年來知縣事剛直廉介儉於自奉勤講約飭
保甲見灌邑山多田少地瘠民貧銳意勸民種桑
正名辨分一以古道爲期事當執法雖權貴囑託
富俠苞苴毫不相徇尤樂於造士勸勉諄諄文章
不拘一格皆爲成就嘗欲修明倫堂建學署齋房
立義學課士以起斯文尋署全州篆不果未幾卒
宦橐蕭條後署篆者欲變公政旦晝見公驚怖成
疾其正氣如此士民建祠奉祀

陸 煒浙江桐鄉人生員雍正九年任重士愛民興
利除弊時恭灌之界立有私卡負販小商皆稅之

公曰此地舟不通鄉民肩挑貿易取利幾何而忍稅乎遂罷之官衙所用香茶桐油取給油戶舊無酬值公一日宿關塘見油戶勤業不眠嘆曰辛苦哉此業也自後免其當差其太翁酷愛少子欲多取以遺之公嘗幾諫觸怒長跪請罪移時不命起其後諸凡服御公自取簡薄以華美歸第翁始底豫士民戴如父母陞遷之日攀留不得請公留靴懸之儀門以當庭魚之佩歲歷數十至乾隆四十八年大修衙署始去其懸邑人情之

李 綸漢軍鑲黃旗人拔貢乾隆十年任極子愛百姓不輕施鞭朴尤重文人敬耆老踏勘下鄉自攜糕餅不受壺飧執役不過數人

灌陽縣志

卷七

名宦

五

郭之銓江南全椒人進士乾隆十四年初蒞任誤聽差役有過行後覺而痛悔之嘗署一聯錯打幾杖這幾杖身雖不痛兒孫受濫取一文此一文人縱不覺鬼神知聽訟明決往往坐大堂接紙厥後逢告期坐半日竟無一詞進者遇旱躬詣九龍巖禱雨炎曦中露頂拈香布衫草履往返不用乘輿

徐 琪直隸吳橋人貢生乾隆三十年乙酉任灌邑重斯文隆禮貌興利革弊蠹役灌爲最公痛懲之咸知畏法歛跡南關失火出儀門望其處叩頭且行且叩至而火熄捐俸以恤災者感神佑建火神

廟於治之北祀之一日自會城歸及關塘夜已靜
輿人必欲起舖戶持炬公曰如此月色何須炬爲
小民日間辛苦至晚各圖安息得已則已何必苦
之眾堅持以爲難行公卽下輿徒步歸署

尹夔憲字直卿貴州修文人乾隆己亥恩科舉人嘉
慶七年來知縣事廉明慈正約損自持著布衣甘
粗糲嘗步行下鄉勸民勤儉毋訟詞和意懇令人
心愜鄉有公直者解和人訟則獎勞畀以飯食而
於奸猾仍執法令其改而不苟士之以文章求教
者皆諄詳指示若師道然州有廖某田在灌子私
售首於公收禁其毋願以二千金求幕友釋諷以

灌陽縣志

卷七

名宦

六

州事如此縣樂得謝責公曰不可吾先君爲令以
清白傳臨終屬曰汝若得官切不可玷吾節泣拒
之其暗室不欺若此居任七年創建文昌閣成就
書院好惡同民不聽胥差人語士庶涵濡德化政
簡刑清上憲廉其政教時趙制軍方居臬任適邑
人陸錫祺官四川以差來省隨尹令同見憲詢其
何以洽民心若此請忘分直言公難答陸曰尹父
在縣政教之善難以縷述大要凡有益於地方者
必盡心力爲之稍損於地方者必不爲至有害於
地方者又必除之慈愛真如父母嗣升州去卽餞
者自城至新墟三十里無間邑人至今猶嘆想不

置云

夏維翹號鷺汀四川資陽人乾隆丁酉舉人嘉慶三年蒞任清廉自持雅尚文教邑有軍需贖餘銀兩憲檄發還花戶公稟憲倡建龍川書院於西關文廟右側以作養人才灌邑廩生二十名廩餼邀恩歷來以應還糧米兌支廩米生具領官給票公曰善哉此官與士兩便也第慮後來計小利者易此舊章曷具呈立案以垂永遠乎公之愛民重士類如此居二年緣前任樂城虧短離任士民愛戴情深代繳銀一千餘兩呈乞撫憲謝保留以數少不合惜哉

灌陽縣志

卷七

名宦

七

李士林字玉成號藝圃雲南定海人嘉慶己卯解元道光壬午進士卽用知縣是年九月權灌陽篆蒞任卽下鄉省俗挨村親書舉報節孝嚴拿盜賊訪查訟棍禁止賭博等示張貼謙恭下士傳集保老論以居家勤儉言之至理至情令人心洽一村或飯或宿自攜餼糧所帶數人亦不許擾取一文如寓館命諸生坐談讀書要法有儼然溫厚嚴厲氣象訟案有告必審有審必結人莫不服其公明署任數月士民愛如父母及瓜去攀轅不得餞送數十里不舍後陞西隆知州旋陞安徽六安直隸州王鈞紳號雲書雲南賓川進士同治六年至十一年

任清直一節寬厚愛人尤留心學校公餘集諸生
講論詩文竟日不倦龍川月課及歲科童試取前
列者後多掇巍科而登仕版士咸服其識鑒閭邑
上爲國樹人額

附武職

陳斯通號祿廷全州人性豪邁有大志弱冠投營効
力咸豐間流寇頻年滋擾濬立戰功上游嘉其能
保以把總拔補撫標右哨調補全州營左哨八年
二月調署灌陽汛城守賞戴藍翎保陞全州營左
哨千總加都司銜旋於同治九年補平樂麥嶺營
千總卒於任所公在灌十餘載公餘往來者皆名

灌陽縣志

卷七

名宦

八

士雅歌投壺有儒將風同治紀元歲大飢公商之
邑令陳如金各捐俸施粥三閱月貧民多賴以濟
潘公諱勝榮南寧宣化人奉委以把總駐防邑城咸
豐四年紅巾竄擾縣境公與邑令鄧公樹榮督帶
兵勇在排埠江地方堵剿因馬蹶被害時百總陳
公斯通勇敢當先殺斃賊匪二名奪回公屍事聞
入祀顯忠祠